

ANIMADVERSIONES.

V. 38. Omnes Urbes filiorum Merari duodecim.

V. 39. Itaque Civitates universæ Levitarum, in medio possessionis filiorum Israël, fuerunt quadraginta octo.

Dixerat paulò ante, v. 63. Filiis autem Merari de Tribu Ruben, de Tribu Gad, & de Tribu Zabulon, dederunt Civitates duodecim.

Defunt duæ, quas ex Iosue resarcire facillè est.

Sex ergo sunt Urbes Levitarum, quæ desiderantur in lib. Paralip. duæ pro Meraritis, quæ ex Tribu Zabulon; duæ pro Caathitis, quæ ex Tribu Dan; duæ etiam pro Aaronitis; quarum una ex Tribu Juda, altera ex Tribu Benjamin repetenda est: eæque Urbes facillimè ex Iosue colligi possunt.

Huc usque, quoad Urbium numerum attinet, tota inquisitio fuit; & ex variis collectionibus Methodum primam fecimus, diximusque. Ubi certus à Iosue datur Urbium numerus, is retinendus, non immutandus.

Methodus secunda de variis diversisque Nominibus, quæ ad unam, eandemque Urbem pertinent, non minus difficultatis, nec minus laboris faciet. Quædam ejus generis dignosci possunt in Urbium Simeonis Tribus enumeratione, aliæ inter Urbes Leviticæ, aliæ etiam ex variis Bibliorum locis fient obviæ. Sed proculdubiò supererunt quam-plurimæ, quarum cognitio difficillima, & fortè nusquam ulla dabitur.

Inter tredecim primas Tribus Simeonis Urbes, dilucidè perspicitur, Selim, quæ in Tribu Juda primùm describitur, eandem esse Urbem atque Sarohen, quæ postea è Tribu Juda excerpta in Tribum Simeonis transcripta est; eandemque, quæ Saharim in libro 1. Paralip. Sic Lebaoth, Beth-lebaoth, & Beth-berai ad unam, eandemque Urbem pertinent: Sic Sensenna, Hafer-fusa, & Hazar-fusim ad aliam: sic Medemena, & Beth-Marcaboth ad alteram. Sed & Cefil, Bethul, & Bathuel unus idemque locus. Sic El-Tholad & Tholad. Sic Iim & Essem in unum Iim-Esem composita cum Assem, & cum Asom respondent. Ex quatuor ultimis hujus Simeonis Tribus Urbibus Ethen, Athar, & Ethan unum, eundemque esse locum nemo non videt. Cætera inter se conveniunt; & interim aliqua jam nomina demonstravimus, quæ diversa, quæ dissimilia, & quæ nihilominus ad unam, eandemque Urbem pertinent.

Ratio eadem erit in Leviticis 48 Urbibus: Ubi Ain & Asan ad eandem Urbem respondent: ut & Almon, & Almeth; Thanach, & Aner; Gethremmon, & Bilean; Bafan, & Astaroth; Cefion & Cedès; Jaramoth, & Ramoth; Engannim, & Anem; Helcath & Hucoc; Hammoth-Dor, & Hamon; Carthan & Cariath-jam; Damna, & Remmono etiam ad eundem recidunt locum, etiamsi aliqua videatur difficultas; ut & Cartha, & Thabor; sed nulla est inter Jaser & Jassa five Jasa; nulla inter Jethson, & Cedemoth.

Attamen Jassa five Jasa multò meliùs est in Tribu Ruben, quam Jaser; quia inter Urbes Tribus Ruben est Jasa, nulla Jaser: & Jaser ipsa est in Tribu Gad, è qua excerpta statim enumeratur omnium Leviticarum Urbium ultima. Eæ ergo Urbes Jasa & Jaser diversæ sunt, & in variis Tribubus descriptæ. Etiam loco Geth-remmon in Tribu Manasse, cis Iordanem, maluerim Bilean five Baalan scribere, quod alterum ejusdem Urbis nomen est, & ut saltem aliqua sit distinctio cum alia Geth-remmon, quæ in Tribu Dan. Sic & in eadem Tribu Dan maluerim Ajalon, quam Helon, quod alia etiam sit Helon five Holon in Tribu Juda.

Et animadvertendum est Ain & Asan sibi invicem respondere ex Iosue, & ex Paral. & pro una eademque Urbe censi: & nihilominus eæ omnino duæ diversæque sunt Urbes; ut videre est in Tribu Juda, in qua Ain, & Asan, in diversissimis hujus Tribus partibus, describuntur: Ain in prima parte, ubi 29 Urbes; Asan in quarta ubi novem; meliùs etiam in Tribu Simeonis, in quam eæ ipsæ Urbes ex Tribu Juda transpositæ, Aen (ipsissima est Ain) & Asan inter quatuor ultimas, pro duabus Urbibus; & 1. Paralip. 6. Aen & Asan etiam inter ultimas quinque, pro duabus Urbibus computantur. Ex quo cum ex duobus alterutrum nomen eligendum sit, ut uni Urbi respondeat, Asan retinuimus; cum unica Vulgata sit; quæ Ain, idque semel legatur in Iosue. Ubi 70 Interpretes habent Afa, & alia Biblia Græca Aza. & in lib. Paralip. eadem